


<https://news.usm.my>

Berita Mutakhir

07
AUG

MASUM 2015: KONTINGEN USM RAIH PENCAPAIAN CEMERLANG

 11817192 1617919438480196 3301047071767089963 n

PULAU PINANG, 7 Ogos 2015 – Kecemerlangan kontingen Universiti Sains Malaysia (USM) yang menyertai Kejohanan Majlis Sukan Universiti Malaysia 2015 (MASUM) di Universiti Teknologi Malaysia, Skudai, Johor berjaya dibuktikan apabila menduduki tempat keempat keseluruhan dengan membawa pulang 11 pingat emas, 11 perak dan 24 gangsa.

Sukan renang menjadi penyumbang pingat terbesar kepada USM dengan 9 emas, 9 perak dan 14 gangsa sementara baki 2 pingat emas diperolehi melalui sukan karate-do dan taekwondo.

Sukan lain yang turut menyumbangkan pingat adalah catur, boling padang, woodball dan petanque.

Menurut Ketua Sektor Penyediaan Atlet USM, Mustaffa Kamal Esa, pencapaian tahun ini amat memberangsangkan kerana berjaya memperbaiki kedudukan daripada tempat keenam dalam edisi sama tahun lepas dan juga dari segi pungutan pingat.

“Sasaran kita pada kejohanan kali ini hanya 6 pingat emas, namun berkat kesungguhan dan disiplin tinggi atlet kita, berjaya memperoleh sesuatu yang di luar jangkauan.”

Tambahnya lagi, komitmen setiap atlet yang bertanding juga wajar diberikan pujian walaupun berhadapan lawan yang mempunyai pengalaman luas dan kelebihan fizikal.

“Atlet juga dilihat mengambil inisiatif sendiri menjalani latihan intensif bagi memastikan mereka benar-benar bersedia menghadapi kejohanan ini dan hasilnya telah dizahirkan kini.”

MASUM 2015 disertai oleh 20 Institut Pengajian Tinggi Awam (IPTA), dengan USM menghantar seramai 187 orang atlet, menyertai 14 daripada 20 jenis sukan yang dipertandingkan.

Teks: Mohamad Danial Shahri/Foto: Facebook Penyediaan Atlet USM



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>)

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015